

**TRANQUILLITAS
VERAE PACIS IN
RESURRECTIONE
DOMINI ORATIO
HABITA 13...**

Nicola Origo, Maximilian Limpach,
Jacob Frey, Domenico Campiglia, ...

(III.)

CLEMENTI XI.

PONT. MAX.

NICOLAUS ORIGO
felicitem.



*ON effugerem planè
audaciæ notam, BEATISSIME PATER,
si Orationem banc meam nullo*

a 2

clo-

eloquentiæ colore ornatam Tuis oculis subjiciendam esse putarem. Aut enim nimium mihi tribuerem, non intelligens, quàm exiguum in me sit ingenium, & quàm mihi curta eruditionis supellex : aut ostenderem, me nullo modo perspectam habere præstantissimam illam Sapientiam Tuam, quam cum in omni disciplinarum genere, tum in eloquentiæ laude & Roma, & cæteri, quotquot sunt cultiores terrarum Orbis Populi, meritò suspiciunt, & admirantur. Cum tamen mihi perhonorificum munus coràm Sanctitate Tua dicendi contigerit; cumque dixerim de Tranquillitate illius Pacis, quam hodiè Christus

*Itus JESUS Discipulis suis ,
 & nobis annuntiavit , & quæ , ut
 explicat Augustinus , Est tranqui-*

*Serm. de
verb. Dom.*

*litas mentis , serenitas animi , amoris
 vinculum , & confortium Charitatis ,
 ad Te jure aliquo hæc qualiscun-
 que Oratio pertinere videbatur ,
 qui in tanta rerum perturbatione
 tranquillitatem cordis , ac invictæ
 mentis constantiam exhibes admi-
 randam . Libens itaque , & qua
 Pontificiæ Majestati omnem om-
 nium concilias amorem benignita-
 te , ejus Pacis sermonem excipe ,
 quâ Ipse omnium maximè frueris ,
 & quam Tibi Mundus dare non
 potuit . Tantæ autem Virtutis me-
 ritum illud planè , quemadmodum*

*vehementer optamus , efficiet , ut
incolumis tandiù vivas , donec
aliquando universum Christianum
Orbem , quod Tibi unicè in votis
est , hac ipsa Pace compositum ,
tantâque felicitate letantem in-
tuearis .*

ORA-



ORATIO.



ON possum, quod mente *D. August. in*
 concipio, ore proferre, *serm. olim de*
 & cordis mei lætitiā, *temp. & post*
in Append. 51.
 lingua non explicat, BE- *de Pascha 1. in*
 TISSIME PATER. Hæc est *initio.*
 enim dies, quam fecit

Dominus : sancta, atque lætissima illa
 dies, qua, postquam à mortuis resurre-
 xerat, videndum se Apostolis suis, te-
 nendum, perfruendumque concessit, so-
 litoque Pacis affatu, conturbatos, atque
 nutantes eorum animos in spem erexit,
 in fide confirmavit, gaudio implevit.

Hodie stetit in medio eorum, & dixit eis: *Luca 24. v. 37.*

Pax vobis. Ille scilicet Pacem enunciat,
 qui

D. Jo: Chrys. in
Homil. 5. de
Resurrect.

qui de Virgine nascens, atque inter homines apparens factus homo, Pacem Angelorum ministerio annunciavit; qui nimirum appropinquante Passionis tempore, quia turbare poterat cor Discipulorum, quod è terris esset abiturus, Pacem eis largitus est, dicens: *Pacem relinquo vobis: Pacem meam do vobis*. Qui denique glorificatum Corpus stupentibus claustris intromittens, ubi erant Discipuli congregati propter metum Judæorum, stetit in medio, & dixit eis: *Pax vobis*. Quid verò nobis repetitæ hujus Pacis largitas manifestat? Illud profectò, ut Pacem habeat ad Deum, ut ea, quæ Pacis sunt sectetur, qui cum Christo resurrexisse gloriatur.

Nemo sanè gloriari potest resurrexisse cum Christo, nisi, qui veteri homine cum actibus suis deposito, ac reformatus in melius, toto cordis affectu ea, quæ sursum sunt, quærit, ubi Christus est, non quæ super terram. Hoc præcipuum Apo-

stoli

Jo: 14. vers. 27.

D. August. in
ser. olim de tēp.
156. & post in
Append. 54. de
Pasch. Dom. in
corp.

Jo: 20. vers. 18.

D. Joan. Chrys.
serm. 84.

Ad Roman. 5.
vers. 1.
Ad eisdem 14.
vers. 19.

Ad Colosi. 3.
vers. 1.

stoli monitum; ut quomod o Christus sur- *Ad Roman. 6.*
 rexit à mortuis per gloriam Patris, ita & *vers. 4.*
 nos in novitate vitæ ambulemus. Hoc
 præclarum Resurrectionis nostræ argu-
 mentum: ut si cum Christo consurrexi-
 mus, quæ sursum sunt quæramus, ubi *Ad Colosser. 3.*
 Christus est, non quæ super terram. Ne- *vers. 1.*
 que enim cum eo resurrexit, qui adhuc
 in morte Peccati manet, & adhuc mem- *Ad Roman. 6.*
 bra sua exhibet servire iniquitati. Resur- *vers. 13.*
 rexit enim Christus propter justificatio- *D. Thom. 3. 2. ar.*
 nem nostram, & glorificatus est resur- *q. 53. art. 2. in*
 gendo, ut nos promoveret ad bona. *corp.*
 Quare sicut Ipse resurgens ex mortuis *D. Bonav. ser. 5.*
 jam non moritur, sic & nos resurgere de- *de Resurr.*
 bemus in conversione, ut de cætero non
 moriamur in transgressione. Hoc est ita-
 que cum Christo resurgere, in ejus scili-
 cet dilectione semper manere. Qui enim *Jo: Epist. 1. c. 3.*
 non diligit, non verè resurgit, sed manet *vers. 15.*
 in morte. Ille autem verè diligit, qui
 mandata ejus servat, ambulans videlicet
 vocatione, qua vocatus est, sollicitus ser- *Ad Ephesios 4.*
 vare *vers. 2.*

vare unitatem spiritus in vinculo Pacis :
 Frustrà igitur Pacem expetunt, frustrà
 Pacem inquirunt, qui Dei mandata non
 servant, qui bellum vitiis non indicunt,
 qui demum per semitas Justitiæ non am-
Isais 48.v.18. bulant. Nam, ut Isaias inquit, opus Justi-
 tiæ Pax; propter quod ait Dominus: Uti-
 nam attendisses mandata mea, facta fuisset,
 sicut flumen, Pax tua. Et quidem quæ
 tranquillitas animi, quæ Pacis securitas
 excogitari potest, ubi animus obstrepentis
 conscientiæ stimulis exagitur, ubi
 diversarum est pugna passionum, ubi in-
 quietus fervet gravium cogitationum,
Psal. 13.v.3. conflictus? Hi revera viam Pacis non
 cognoverunt. Hi Pacem quærunt, sed
 non invenient; unde eos meritò Hiere-
Hierem. 6.v.14. mias irridet: Pax Pax, & ubi est Pax?
V. Bed. Lucæ 2. Non enim est Pax impiis, sed Pax multa
in Cat. anrea. diligentibus Deum. Caveamus igitur ne,
 dum Pacem quærimus, à via Pacis rece-
 damus. Pax videlicet ibi quærenda, ubi
Psal. 75.v.3. Christus est: in Pace siquidem factus est
 locus

locus ejus. Audite itaque, & intelligite.
 Quærendus est Christus, ut Pax invenia-
 tur; ubi enim Pax, ibi Christus. Quia
 Ipse, ut Apostolus ait, Ipse est Pax nostra.
 Hanc igitur veram, hanc beatissimam Pa-
 cem amplectamur; scientes, quod illam
 in futuro invenire non possumus, nisi
 eam hic diligentius inquiramus. Ad hanc
 viam Pacis gressus nostros dirigamus.
 Quod videlicet tunc fit, quando per iter
 illud actionum pergimus, in quo ab Au-
 ctoris nostri Gratia non discordamus:
 quando eam Pacem sequimur, quæ de
 radice Charitatis confurgit, & quæ Justi-
 tia, ac Pietate cohonestatur. Hæc pro-
 fectò Christi Pax est. Hæc illa Pax, quam
 Ipse à mortuis resurgens, tum Apostolis
 suis, tum nobis largitus est. Quamobrem
 si cum Ipso consurreximus, Pacem hanc,
 quam Mundus dare non potest, sedulò,
 ac votis omnibus inquiramus. O nos re-
 vera beatos, si Pax Christi, quæ exuperat
 omnem sensum, exultet in cordibus no-
 stris!

*D. Ambrosius
Epist. 182. ad
Vercellenses.*

*Ad Ephesios 2.
vers. 14*

*Cassiod. super
Psalm. 33.
Post med. v. 14.*

*D. Greg. Homil.
Luc. 1. in Cat.
aurea.*

*Cesar. Arelat.
Hom. 119. pro-
pè med.
S. Isidor. Pelu-
siot. Epist. 146.
ad Petrum.*

*Ad Philipp. 4.
vers. 7.*

stris! Hinc enim fiet, ut Resurrectionis
Ad Coloffen. 3. vers. 15. ejus participes effecti, tandem apparea-
 mus cum Ipso in Gloria, ubi sedebit Po-
Isaie 32. v. 18. pulus in pulchritudine Pacis.

